

Na osnovu člana 70. i člana 89. Zakona o javnim nabavkama Bosne i Hercegovine („Službeni glasnik BiH“ broj 39/14), Odluke direktora Federalne Uprave za inspekcijske poslove o dodjeli ugovora broj 01-14-8-02019/2015 od 23.06.2015 godine, a nakon provedenog postupka Konkurentskog zahtjeva za dostavu ponuda za izbor najpovoljnijeg ponuđača za nabavku usluga kolektivnog osiguranja uposlenika Federalne Uprave za inspekcijske poslove, objavljenog na Portalu javnih nabavki dana 28.04.2015. godine, broj obavještenja 1292-7-2-1-3-1/15,

UGOVORNE STRANE:

BOSNA SUNCE OSIGURANJE d.d. Sarajevo, Podružnica Sarajevo ul. Trg međunarodnog prijateljstva 20, Sarajevo, koju zastupa direktor Podružnice Jasna Frljak (u daljem tekstu: OSIGURAVATELJ)

i

FEDERALNA UPRAVA ZA INSPEKCIJSKE POSLOVE, ul. Fehima ef. Ćurčića broj 6. Sarajevo, koju zastupa direktor Ibrahim Tirak (u daljem tekstu: UGOVARATELJ OSIGURANJA-OSIGURANIK)

Dana 06.07.2015. godine u Sarajevu, zaključili su slijedeći,

U G O V O R **O PRUŽANJU USLUGA KOLEKTIVNOG OSIGURANJA UPOSLENIKA** **FEDERALNE UPRAVE ZA INSPEKCIJSKE POSLOVE**

I PREDMET UGOVORA

Član 1.

Predmet ovog Ugovora je pružanje usluga:

- Kolektivnog osiguranja svih uposlenika - UGOVARATELJA OSIGURANJA-OSIGURANIKA pri vršenju i van vršenja redovnog zanimanja tokom 24 sata bez vremenskog i prostornog ograničenja

sve prema ponudi OSIGURAVATELJA broj: 96/15-06 od 08.05.2015. godine, specifikaciji UGOVARATELJA OSIGURANJA-OSIGURANIKA i Uvjetima osiguranja, koji čine sastavni dio ovog Ugovora.

II OSIGURANJE ZAPOSLENIKA

Član 2.

Osiguranje po ovom Ugovoru pokriva posljedice nesretnog slučaja-nezgode, za smrt usljed nezgode, smrt usljed bolesti, trajnog invaliditeta, troškove liječenja i dnevna naknada za boravak u bolnici, nastalih nad svim uposlenicima UGOVARATELJA OSIGURANJA-OSIGURANIKA pojedinačno, a u skladu sa osiguranim sumama datim u ponudi OSIGURAVATELJA broj: 96/15-06 od 08.05.2015. godine.

Osigurani slučaj podrazumjeva iznenadni, nepredviđeni i od volje osiguranika nezavisni događaj koji se desi pri vršenju i van vršenja redovnog zanimanja tokom 24 sata bez

vremenskog i prostornog ograničenja, tj. OSIGURAVATELJ se obavezuje da će UGOVARATELJU OSIGURANJA-OSIGURANIKU isplatiti naknadu štete ako štetni događaj, ima za posljedicu:

◆ Smrt uslijed nezgode/nesretnog slučaja	100.000,00 KM
◆ Smrt uslijed bolesti	10.000,00 KM
◆ Trajni invaliditet	200.000,00 KM
◆ Troškovi liječenja	20.000,00 KM
◆ Dnevna naknada za boravak u bolnici	20,00 KM

Član 3.

OSIGURAVATELJ se obavezuje da će korisniku osiguranja za ugovoreno kolektivno osiguranje, u skladu sa odredbama Općih i Dopunskih uvjeta za osiguranje lica od posljedica nesretnog slučaja/nezgode i Tablice za određivanje postotka trajnog invaliditeta kao posljedice nesretnog slučaja/nezgode, isplatiti:

- Osigurane sume za slučaj smrti, ukoliko je uslijed nezgode/nesretnog slučaja nastupila smrt korisnika;
- Osigurane sume za slučaj smrti uslijed bolesti;
- Osigurane sume za slučaj trajnog invaliditeta;
- Osigurane sume za troškove liječenja i
- Osigurane sume za naknadu dnevnog boravka u bolnici.

Opći i Dopunski uvjeti za osiguranje lica od posljedica nesretnog slučaja/nezgode i Tablica za određivanje postotka trajnog invaliditeta kao posljedice nesretnog slučaja/nezgode čine sastavni dio ovog Ugovora.

Član 4.

Za osiguranje uposlenika od posljedica nezgode/nesretnog slučaja izdat će se jedna policia u kojoj se navodi broj osiguranih osoba i ista čini sastavni dio ovog Ugovora.

Spisak sa brojem i imenima uposlenika, pripremit će UGOVARATELJ OSIGURANJA-OSIGURANIK i isti odmah dostaviti OSIGURAVATELJU.

Broj osiguranog osoblja može biti promjenjiv. Ukoliko dođe do eventualnih promjena u istom UGOVARATELJ OSIGURANJA-OSIGURANIK će OSIGURAVATELJU prije početka mjeseca dostaviti brojčano stanje, što će predstavljati osnovicu za obračun premije osiguranja osoba za taj mjesec.

III PRAVA I OBAVEZE UGOVORNIH STRANA

Član 5.

UGOVARATELJ OSIGURANJA-OSIGURANIK se obavezuje:

- dostaviti odmah broj i spisak uposlenika (brojno stanje);
- u slučaju nastupanja osiguranog slučaja poduzeti sve mjere u okviru mogućnosti za zaštitu uposlenika;
- nakon nastupa osiguranog slučaja obavijestiti OSIGURAVATELJA o istom, uz dostavu svih podataka kojima raspolaže, a koji se odnose na utvrđivanje uzroka osiguranog slučaja;

- ukoliko dođe do eventualnih promjene broja uposlenika, UGOVARATELJ OSIGURANJA-OSIGURANIK dužan je odmah OSIGURAVATELJU dostaviti podatke o promjenama, na osnovu kojeg će OSIGURAVATELJ izdati fakturu.

Član 6.

OSIGURAVATELJ se obavezuje:

- Na osnovu pripremljenih i dostavljenih spiskova izraditi i uručiti policu osiguranja UGOVARATELJU OSIGURANJA-OSIGURANIKU;
- Obavijestiti UGOVARATELJA OSIGURANJA-OSIGURANIKA o svim promjenama koje mogu uticati na uslove osiguranje uposlenika,
- Isplatiti nastalu štetu najkasnije u roku od 1 (jedan) dan od momenta kompletiranja dokumentacije potrebne za utvrđivanje pravne osnovanosti i visine odštetnih zahtjeva.

Obaveze OSIGURAVATELJA po osnovu osiguranja nastupaju izdavanjem police u kojoj su navedene osigurane svote za svaki od rizika iz člana 2. ovog Ugovora.

IV PREMIJA OSIGURANJA

Član 7.

Ugovorena premija osiguranja po uposleniku iznosi mjesečno 12,30 KM odnosno premija osiguranja na godišnjem nivou iznosi 147,60 KM po uposleniku. Ukupno ugovorena premija osiguranja za 172 (stotinusedamdesetidva) uposlenika UGOVARATELJA OSIGURANJA-OSIGURANIKA za vrijeme trajanja ovog ugovora iznosi: 25.387,20 KM (slovima:dvadesetipethiljadatristotineosamdesetsedami20/100KM).

V USLOVI I NAČIN PLAĆANJA

Član 8.

Plaćanje ugovorene premije osiguranja iz ovog Ugovora će se vršiti na slijedeći način:

- OSIGURAVATELJ će UGOVARATELJU OSIGURANJA-OSIGURANIKU ispostaviti fakturu, u skladu sa izdatim policama osiguranja do cjelokupnih iznosa osiguranja iz ovog Ugovora;
- UGOVARATELJ OSIGURANJA-OSIGURANIK se obavezuje da ugovorenu premiju osiguranja do cjelokupnog iznosa plati u 12 mjesečnih rata, najdalje u roku od 30 dana od dana ispostavljanja mjesečne fakture.

VI PRIJELAZNE I ZAVRŠNE ODREDBE

Član 9.

Ovaj Ugovor se zaključuje na period od godinu dana od dana zaključivanja ugovora, a primjenjuje se od 04.07.2015. godine.

Ukoliko se jedna od ugovornih strana ne pridržava odredbi ovog Ugovora, druga ugovorna strana ima pravo na raskid ovog Ugovora pisanim putem uz otkazni rok od 30 (trideset) dana

Ugovorne strane su saglasne da će u i slučaju otkaza dovršiti sve započete poslove nastale u vremenskom periodu važenja ovo Ugovora i izvršiti sve međusobne obaveze koje su preuzele prije isteka ili otkaza ovog Ugovora.

Ugovorne strane se obavezuju da će sve podatke koji se odnose na međusobno poslovanje, kao i podatke o poslovanju jedne od ugovornih strana, čuvati kao poslovnu tajnu, utvrđenu obostranim dogovorom.

Član 10.

Ugovorne strane su saglasne da sva eventualna sporna pitanja rješavaju sporazumno, a u slučaju spora ugovara se nadležnost stvarno nadležnog suda u Sarajevu.

Član 11.

Ugovorne strane su ovaj ugovor pročitale i razumjele, te ga u znak prihvatanja svojeručno potpisuju.

Član 12.

Ovaj Ugovor je sastavljen u (4) četiri istovjetna primjerka od kojih svaka strana zadržava po (2) dva.

BOSNA-SUNCE OSIGURANJE d.d.

FEDERALNA UPRAVA ZA
INSPEKCIJSKE POSLOVE



Direktor
Jasna Frljak

Broj: 1553/97
Datum: 06.07.2015



Direktor
Abraham Tirak

Broj: 07-14-8-02019/2015
Datum: 06.07.2015. godine

